



Republika e Kosovës / Republika Kosovo / Republic Of Kosovo



Komuna Rahovec / Opština Orahovac / Municipality Rahovec

Drejtoria për Arsim
Odeljenje za Obrazovanje
Department for Education



REPUBLIKA E KOSOVËS
REPUBLIKA KOSOVA
KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljenje za Opštu Upravu



RAPORTI 3 MUJOR I PUNËS

Nr. i prot. 1392 Br. prot. Dt. 21.04.2020
RAHOVEC - ORAHOVAC

Janar – Mars, 2020

Drejtoria për Arsim në 3 mujin e parë të vitit 2020 ka punuar sipas planifikimeve të bëra të planit vjetor të punës, përkatësisht sipas planifikimeve të aktiviteteve të parapara gjatë këtij 3 muji. Aktivitetet dhe punët e kryera gjatë kësaj periudhe po i paraqesim të përmbledhura, siç vijon:

Drejtori i DKA-së së bashku me zyrtarët tjerë të DKA-së në fillim të janarit vizituan procesin e trajnimit të Ekipeve të Vlerësimit të Brendshëm të të gjitha shkollave, trajnim ky i cili u zhvillua gjatë pushimit dimëror. Ky trajnim kishte për qëllim të përmirësonte performancën e shkollave. Në këtë trajnim u përfshinë të gjitha ekipet e secilës shkollë, me gjithsej 190 pjesëmarrës. Më 10 Janar u mbajt një takim informues i thirrur nga zyrtarët e MASHT dhe KEC për procesin e aplikimit të shkollave në Projektet e Granteve Shkollore të financuara nga Banka Botërore dhe mbështetur nga MASHT. Në këtë takim morën pjesë drejtorët e shkollave që kanë përgatitur projektpropozimet edhe nga komuna jonë. U bënë të gjitha përgatitjet e nevojshme për fillimin e mbarë të gjysmëvjetorit të dytë të këtij viti shkollor.

Më 15 Janar pranuan një donacion nga KFORI Italian, të cilin e dedikuan për nxënësit e Shfmu "Gëzim Hamza-Piktori". Ky donacion u dhurua si rezultat i bashkëpunimit të DKA-së me Kforin Italian dhe përmban mjete konkretizimi dhe pajisje laboratorike për lëndën e fizikës. U mbajtën garat shkollore të Fizikanëve të Rinjë, ndërsa më 18 Janar u mbajt Gara Komunale e Fizikanëve të Rinjë me nxënësit fitues të klasave 9,10, 11 dhe 12. Poashtu, nëpër shkollë kanë filluar të mbahen garat shkollore për Olimpiadën e Matematikës, gara komunale e së cilës do të mbahej më 25 janar. DKA ka rritur angazhimin në këtë drejtim dhe ka vënë në funksion komisionet vlerësuese, në mënyrë që nga këto gara të fitojnë më të mirët. Realizuan një takim me Caritas-in e Zvicrës ku u konsultuan për fillimin e realizimit të projektit "Shpresë", përmes të cilit 6 klasa parafillore do të pajisen me inventar dhe do të bëhet trajnimi i të gjitha edukatoreve.

Janë realizuar vizita në disa shkollë të komunës sonë për të përcjelluar procesin edukativo arsimor. U zhvillua auditimi financiar nga ana e auditorit të brendshëm, proces ky që ka përfshirë të gjitha shkollat. Është mbajtur takimi i dytë i Ekipit për Parandalimin e Braktisjes dhe Reagimit ndaj Mosregjistrimit të nxënësve. DKA u organizua që t'i dërgojë në Prishtinë nxënësit

fitues për të marrë pjesë në Garat Republikane të Fizikanëve të Rinjë dhe të Olimpiadës Matematike. Kemi mbajtur takime me përfaqësues të operatorëve që kanë kontratë në ndërtimin e shkollave dhe çerdheve, në të cilat kemi biseduar për rifillimin e punimeve në realizimin e projekteve. Nëpër të gjitha shkollat ka vazhduar themelimi i Ekipeve Shkollore për Parandalimin e Braktisjes dhe Reagimit ndaj Mosregjistrimit të nxënësve. Kemi mbajtur një takim me mësimdhënës, prindër dhe nxënës në SHML "Ukshin Hoti" në Krushë të Madhe dhe po atje kemi vizituar objektin e çerdhes në ndërtim.

Kemi filluar të përgatisim paramasat për projektin "Riparime në Shkolla", përkatësisht për riparimin e nyjeve sanitare dhe dysHEMEVE të shkollës "Gëzim Hamza-Piktori" dhe paramasën për ngrohje qendrore në shkollën "Dëshmorët e Lirisë". Në Shkollën e Mesme Profesionale kemi përruruar 3 kabinete: kabinetin e makinerisë, kabinetin e teknologjisë informative dhe kabinetin e shkencave juridike. Nëpër shkolla janë mbajtur programe festive për nder të 17 Shkurtit-Ditës së Pavarësisë së Kosovës, ndërkaq në bashkëpunim me DKRS kemi organizuar dhe mbajtur një tryezë diskutimi me historianë. Ka vazhduar trajnimi me drejtorët e shkollave në kuadër të projektit "Shkollat e shek. 21", i mbështetur nga Këshilli Britanik, Masht dhe DKA. Kanë rifilluar punimet në ndërtimin e objektit të shkollës në Kaznik dhe në Fortesë. Është mbajtur një takim konsultues për hapat e zbatimit të projektit ALLED 2 në Shkollën e Mesme Profesionale. Kemi përgatitur kërkesat për mbështetje financiare të projekteve drejtuar MASHTI-t, dhe kemi marrë pjesë në Konferencën për Edukimin të organizuar nga Qendra për Arsim e Kosovës dhe nga Organizata "Teach for Kosova".

Drejtori i DKA-së, më 9 Mars, ka marrë pjesë në takimin e thirrur nga MASHTI për të shqyrtuar situatën e krijuar nga përhapja e Virusit Corona dhe për masat parandaluese që duhet ndër marrë në shkolla. Pas këtij takimi, DKA ka themeluar një ekip koordinues për të ndërmarrë masat adekuate. Kemi vizituar punishtet ku po punohet në realizimin e projekteve, si në Krushë të Madhe ku po ndërtohet çerdhja dhe në Fortesë ku po ndërtohet objekti i shkollës së re dhe salla e edukatës fizike. Procesi mësimor në të gjitha nivelet e sistemit arsimor u ndërpre, sipas vendimit të qeverisë dhe janë marrë masa në rritjen e higjienës në çerdhe e shkolla. Ndërkohë, gjatë muajit mars kemi vazhduar me punë rreth përgatitjes së paramasave për projektin e riparimeve në shkolla.

Avni Morina

Drejtör

